



## **ATA OFISIANL DI INKONTRU REUNION DI KUMITE SKULAR DI BOSTON**

**15 di Dizenbru di 2021**

Kumité skular di boston rializa um riunion rimota dia 1 di setenbru di 2021 ,17 ora na zoom. Pa mais informason sobri kualker un di kes itens listadus dibaixu, vizita [www.bostonpublicschools.org/schoolcommittee](http://www.bostonpublicschools.org/schoolcommittee), e-mail [feedback@bostonpublicschools.org](mailto:feedback@bostonpublicschools.org) tilifona pa o skritóriu di Kumité skular di Boston pa (617) 635-9014.

### **PRIZENSA**

Membrus di kumité skular Presentis: Prizidenti Jeri Robinson; Vice-Prizidenti Michael O'Neill (djuntadu dipos di chamada nominal); Dr. Hardin Coleman; Ernani DeAraujo; Lorena Lopera (djuntadu dipos di chamada nominal); Rafaela Polanco Garcia; Quoc Tran( Sai duranti relatórius); y Riprezentanti Studantil Alternativa Tiffany Luo.

Menbrus di Kumité Skular Auzenti: Ripresentanti di alunus Xyra Mercer.

### **DUKUMENTUS APREZENTADUS**

#### Agenda

Approval of Minutes: December 1, 2021 School Committee Meeting

Memo: Edward M. Kennedy (EMK) Academy of Health Careers Charter Amendments, School Year (SY) 2018-2023: Memoranda of Understanding (MOU) A and B; and Accountability Plan

EMK Charter Amendment DESE Cover Sheet

EMK Charter Amendment Letter of Request to DESE

EMK Charter Amendment PowerPoint Presentation

EMK Charter Amendment Supporting Documents with BTU Certification

EMK 2021 21 Charter Amendment Request Equity Impact Statement

Reunion rimotu di kumite Skular di Boston  
Zoom

*15 di Dizenbru di 2021*

Boston Day and Evening Academy Charter Amendments, SY 2018-2023: MOUs A and B; and  
Accountability Plan

BDEA Memorandum of Understanding A

BDEA Memorandum of Understanding B

BDEA Accountability Plan

Equity Impact Statement BDEA Charter Amendments

BuildBPS Update, October 27, 2021

Office of Equity Annual Report

Office of Equity Memo

Office of Equity School Committee PowerPoint

Office of Equity Equity Impact Statement

Financial Update

Financial Update Cover Letter

Financial Update Equity Impact Statement

## PIDIDU DI ORDÍ

Prizidenti Jeri Robinson konvoka un riunion y el lidera un juramentu di lieldadi A Sra. Sullivan Txoma psoal. Sr. O'Neill, Dr. y Sra Lopera entra na riunion logu dipos di xamada. Tudú kes otus membrus staba prizienti.

Sra. Robinson fla ki riunion di oji di noiti staba ta ser transmitida en diréto na Zoom. Ta ser ritransmitidu na TV di sidadi di Boston. També ta ser publikadu na [bostonpublicschools.org/schoolcommittee](http://bostonpublicschools.org/schoolcommittee) e na YouTube. E anusiaba ma staba dispuniel sirvisus di interpretason simultânia na spanhol, kriolu haitiano, Kabuverdianua , vietnamita, kantonês, mandarim, e língua jestual amerikanu (ASL). intérpretis presenta sés kabesa y es da instrusom na sés línga nativa sobri modi kes ta asesa interpretasom simultânia através di mudansa di kanal Zoom. Dukumentus traduzidus di reunion sta postadu na [www.bostonpublicschools.org/schoolcommittee](http://www.bostonpublicschools.org/schoolcommittee) antis di inisio di riunion.

Sra. Robinson anusia ma mandatus di menbrus di Kumite Dr. Hardin Coleman y Ernani DeAraujo ta bem passa prazu na Janeru e tudus disisidi ca avansa pa um novu nomiasom. E agradezes pa ses servisus y inpenhu na midjora rezultadus di alunus.

## Reunion rimotu di kumite Skular di Boston Zoom

*15 di Dizenbru di 2021*

Duranti se mandatu, Dr. Coleman foi visi-prezidenti di kumite; ko-prizidenti di kumité konsultivu externu di prizidenti di kamera pa milhoria di eskolha di skolas; ko-prezidenti di grupu di trabadju pa qualidadi eskolar; ko-presidenti di kumite di pesquisa di Superintendeti; y menbru di grupu di trabadju pa lakunas di oportunidadi y konsquista. Sr. DeAraujo sirvi komu ko-prezidenti di Task Force di aprendizaje di Língua Ingleza.

Dr. Coleman papia sobri papel inportanti ki kumite dizenpenha na kontratason y avaliason di superintedenti. E fla me tem tidu honra di sirvi na ladu di Prezidenti Robinson y partikularmenti di Visi-Prezidenti O'Neil, a kem e diskrebi komu sendu um grandi líder siviku. Sr. DeAraujo agradesi ses kolegas, Superintendeti y pessual distrital, pa ses apoiu, akresentadu ki e ta spera apoia distritu di um forma diferenti.

Sr. O'Neill agradesi Sr. DeAraujo y Dr. Coleman pa ses servisu.

## APROVASOM DI ATA DI RIUNION

*Aprovadu*- Pur xamada nominal, kumité aprova ata di runion di 1 di Dezenbru.

## RELATÓRIU DI SUPERINTENDENTI

*Sima preparadu pa intrega.*

Obrigadu, Senhora Prisidenti, y obrigadu pa tudu nhos ki sta ku nós hoji nés noti. Kel noti li ta marka nos ultimu runion di Kumite skular di anu. Nu ten suportadu tantu au longu di ultimu anu sivil. Ouve alguns difikuldadis, dezafius y aprovasons; ma tanbe tenvi alguns vitórias, árias di prugressu y, sertamenti, alguns destakis.

Na enbarki na um novu anu, nta gostaba ki kada un di nos reflitisi. Vivi y trabadja atraves di um pandemia tem sidu mas do ki duru. Pessuas ki nu perdi, planus ki nu tivi ki adia, y izulamentu ki txeu di nos nu xinti. Nu sta tudu ta reavalia vida nes mumentu y kel mudansa grandi li y oportunidadi nos frenti di abraza kuzas ki ta interesa, família, propózitu y amizadis. Apezar di difikuldadis, nu ta kontinua ta persevera y trabadja em conjunto nes tenpus insertus. Obrigadu pa fazi parti di kumunidadi di BPS. Nu e sempri midjor ora ki nu sta unidu.

Nta gostaba tanbe di tomaba um mumentu y rekonhesi u falesimentu di Ronald Johnson, um amadu idukador di BPS há 47 anos. Sr. Johnson kumessa se karera dosenti na 1977 na Charlestown High, y mas tardi y trabadja na Boston Trade, Dorchester High School, y The Martin Luther King Jr. Middle School. E torna konselheru di orientason na 1977, primeru na Boston High y termina se karera na Boston Community Leadership Academy na Hyde Park. Rezistenti a reforma dividu a amor di se trabadju, Ron finalmenti reforma a 30 di Nuvembru di 2020. Ron didika se vida a nos alunas. Era konxedu pa skrebi rekumendasons ku kuidadu, e pur fazi kumentarius brilhantis sobri susesu di antigus alunas ki e atxa fora di hórariu di skola. E foi inkarnason kintensensial di um lider servu. BPS sta inkrivelmeti gratu pa se enpenhu em midjora vida di nos studantis y pa se servisu a distritu. Ron ta bem fazi falta, mas tanbe e ta ben ser

**Reunion rimotu di kumite Skular di Boston  
Zoom**

**15 di Dizenbru di 2021**

lembradu pa se legadu indelével ke dexa através di se inpreson na ses kulegas y alunus. Obrigadu Ron, pa tudu.

Nta bem kumesa nha relatóriu ku alguns distakis distrital y dipos partilha alguns atualizasons. Kel Outonu li, alunus di Boston International Newcomers Academy, tanbe konxedu komu BINCA, konpostu ku serka di 500 imigrantis resents, foi konvidadu, a partisipa na kompetison di dezenhu di sapatus York Athletics' *Blank Canvas*. Antis di konkursu, York Athletics intrevista alunus pa odja kuze kes sabia sobri kareras kreativus komu markentig y design di kalsadu. Txeu nunca tinha sprimentadu diretamenti um karera na marketing ou tinha konsiensia ou tinha konsiensia ma keli era algu ki es podia prosigui komu karrera. Dipos di konkursu, um novi inkéritu diskubri ma sensibilizason kuazi duplica, trazendu um novu interessi na marketing y kareras relasionadu ku publisidadi entri alunus.

Jean Dario, um junior di BICA ki nunca tinha pintadu nada antis, dizenha um paizajen di se pais natal, Haiti, pa konpitison. E pa grandi surpresa di Jean, e ganha konkursu. Dezenhu vensedor inspira sneaker "Frank by Jean Dario". Jean gossi sa ta odja um novu kaminhu di kareka pa el. E fla " Arti gosi sta na nha kurason. Nta gostaba di fazi mas y preni mas sobri arti na futuro". Y ku un pontapé di saida sima keli, se futuro e brilhanti. Venda antesipadu di sapatus di [Jean's shoes](#) dja termina, mas ainda podi djobedu y kunpradu na [yorkathleticmfg.com](#) y djobendu pa "The Frank Trainer". Lukrus di vendas anterior postu até 12 di Dizenbru ta bai pa ses studus universitarius. Stória li e um prova di puder di artis, di kreatividadi y di vontadi di sprimenta algu novu, apezar di bu kapasidadi ou experiensia persebida. Nu debi tudu inkarna korajen ki Jean mostra na nos vida . Parabens Jean!

Épuka festivu e markadu pa dos , ou talvez tres kuza na Boston si nu kontu nevi. Kel dos kuza li e nesetidadi y jenerozidadi. Pa mas abensuadu ki txeu di nos nu ta konsidera ser, épuka festivu tanbe podi konsiensia a menbrus di nos kumunnidadi ki podi tem nesetidadi spesifiku. Keli tem sidu um anu tão difisil, ki txeu di menbrus di nos kumunidadi sta ta passa pa algun tipu di inseguransa. Um markador adisional na épuka festivu e vontadi di djuda y stendi mon ora ki surji um nesetidadi. Y foi izatamenti keli ki Local 1952, nos Boston Custodians Union, fazi. Na sexta fera passadu, txeu menbrus di Union Localdi 1952 intrega 12 kaza di brinkedus pa nos alunus. Djuntu ku xefi di skolas di BPS Corey Harris, min konprimentas na salon di idifisiu Bolling pa agradezes ses jentileza. Brinkedus foi intregi a Donna Lashus, ki ta lidera nos Family Liaisons.. Donna trabadja ku Family Liaisons pa fornese brinkedus a familias em situason di insiguransa habitasional y pa familias ki tinha kontaktadu skola em buska di apoiu pa resebi prezentis pa ses fidju. Tududia nos dipozitarius ta abri nos skolas,ta mantes linpu y seguru y ta fitxas ora ki nos tudu dja nu sai. Es ta tra nos nevi pa nu ka kai y es ta konprimenta nos alunus na salas komu mudelus a sigi. Nsta uma orgulhozu di nosekipa di kustódia na BPS. Es bai pariba y paralem des dos ultimu anu y nunca es ka apresenta un uniku kexa. Y kel spresson di jenerozidadi li e apenas mas um forma di es parsi tudu dia pa nos alunus.

Nkre apruveta um momentu pa rekonhesi dezafius operacional ki inda nu sa infrenta, um bes ki kel pandemia li sa kontinua ta fazi parti di nos vida diariu. Foi infatizadu na inisiu di Pandemia ma numerus di kazus di Covid era métrika a ser observadu. Nu tinha numerus limitadus na altura y ainda nu ka tinha vasinhas, pur issu si alguem panhaba COVID gravidade di se cazu era inprevizivel. Koletivamente, nu mesteba di fazi tudu ki staba na nos alkansi pa inpidi prupagason y limita numeru di kazus tantu kuantu pusivel. E pur issu ki nu fitxa skolas na sidadi interu . E

*15 di Dizenbru di 2021*

pur issu ki nu fika na kaza u masimu ki nu konsigui. E pur issu ki nu manten distancia, uza nos maskara y laba nos mon si nu saiba na rua. Foi um épuka asustador kuandu tantu kuza ka era konxedu.

Antigu xefi Marty Martinez flam na inisiu di kel anu letivu li ma nu gossi na fazi di preni a vivi ku COVID . Ta ben kontinua ta fazi parti di nos vida y nos tudu nu debi kontinua ta fazi nos parti pa nu proteji konpanheru, uzandu máskaras, textis regularis y vasinandu mas rápidu pussivel, y nu debi uza métricas ki ta djudadnu nau so a konprende numeru di kazu, mas tanbe gravidadi di kes kazu, komu nos taxa di hospitalizason. Nu sta na um lugar txeu diferenti di kel ki nu staba na inisiniu di pandemia, nu preni txeu y nu sabi mo ki e inportanti pa nos alunus volta pa sala di aula y preni prezensialmenti. A midida ki nu kontinua ta navega nes fazi di pandemia, nsabi ma inda tenedu txeu ansiedadi y traumas pa kual txeu do nos nu sta ta trabadja.

Nos prioridadi e manten senpri nos alunus y nos pessual em segurança. E pur issu ki nu da um konjuntu di pasus ki fazi skolas parsi um bokadinho diferenti di anus passadu. Nu ta uza nos maskara, nu tem purifikadoris di ar na tudu salas di aula, nu ta laba mon frekuentementi y nu ten stasons di dizenfeton, y nu ten akohidu txeu klinikas di vasinason na nos skolas.

Um di kes farramentas di mitigason di ki nu papia y ki nu prometi familias y pessual ki nu ta teba, e assesu a textis semanal fornesidu pa Stadu. N'sta gratu a stadu pa ter rekonhesidu inportansia di textis regularis y ter fornesidu es rekursu, mas tanbe n'ta xinti y partilha frustrasons di nos familias, alunus y pessual ku izekuson di prugrama di textis. Textis DESE pool ka korespondi a spektativas ki foi prometedu. Nu tevi txeu chamadas formal y mutu mas konversas informal pa diskuti nos preokupasons y rezolvi nos prublemas en konjuntu. Min kre tanbe rekonhesi ma rastreiu di kontaktus ka ten akontesidu ku rapides sufisienti na tudu kazu. Komu distritu, nu e responsavel pa rastreiu di kontaktus. Nu kontrata um fornecedor sterno pa djuda nos rastreiu di kontaktus pamo, komu distritu des tamanhu, ka era kontrolavel pa nos mesmu. Tem tidu atrazus y ntem spresadu di forma firmi a nos fornecedor ma keli e inaseitavel y mesti ser midjoradu. Nha ikipa tem stadu em konstanti kumunikason ku es y ta stabelesi spektativas.

Nsabi ma tudu alguem sa ta tenta trabadja arduamenti pa garanti ma nu tem textis semanal adekuadus na tudu skolas, Nu ta ben kontinua ta trabadju ku stadu pa rezolvi prublemas, y hoji n'partilha ku lideres di skola y familias alguns di ajustamentus ki nu sta ta fazi, finansiadu pa um aumentu di 3 milion di dolar, ki ta inklui mas ka sta limitadu a:

- Akrésimu di 27 markadoris di kontaktu adisional a distritu.
- Kontratason ku un ajensia di pessual di infermajen (Aveanna) pa fornesi 10 infermeru adisional pa prienxi vagas y akresenta a kapasidadi nesesaríu na skolas
- Racionalizandu passus pa Kumessa texti y Fika, aseguru konsitensia entri nos plataformas dijital, Permission Click y Crush the Curve, y konsedendu skolas oportunidadi di kumunika diretamenti a CIC kontaktus prósimus.

Saudi y seguransa di nos studanti e um prioridadi másimu, y distritu sta inpenhadu na sforsus di prevenson y mitigason di COVID. Nu riunu diariamenti ku kumison di Saúdi Publiku di Boston pa reve kazu y nos protokolus COVID. Nkre agradezi Dr. Sari Sanchez di Kumison di Saudi ki djunta formalmenti a nos na BPS komu parti di nos ikipa di jeston di COVID, um bes ki

**15 di Dizenbru di 2021**

nu ta bem kontinua ta respondi a es pandemia. Jiri um krizi di saúdi y manten skola abertu e un dizafiu, espesialmetni difisil dadu a atual surtu ki nu sta ta oia y ki nu sa spera a midida ki nu sa volta di férias. N'ta gostaba ki nu pudesi fla ma nu sta ta sai di keli, mas ta bem ser um bokadu mas dizafianti na prósimus mes y nu mesti pa tudu alguen vasina, presta atenson a konselhus di ofisial di saudi y ivta sai ora ki stiver duentis. Nka ta konsigi fla sufisienti. E txeu inportanti pa nos kapasidadi kontinua di mantem nos sala di aula abertu pa nos tudu

Nkre muda y papia um bokadu sobri seguransa skular. Kontinua ta ser nos objetivukomu distritu aseguira ma tudu alunus y funsionáriu xinti seguru oras ki es sta na nos skolas y ki, komu liderensa, nu sta ta fazi tudu ki nu podi pa apoia kel objetivu li. Skolas ta dizenvolvi y finaliza tudu anu planus di seguransa ki ta orienta forma ki es ta respondi a tu kestons ki podi surji na skolas. Kes li e revistu anualmetni y relatadu pa DESE de tres em tres anu. Superitendenti adjuntu Sam DePina y se ikipa stabelesi um novu kumite di Segurança Skular internu, um interdipartamental, ki ta bem reve planus y tanbe analiza prosedimentus jeral di seguransa di distritu interu, inkluindu un konjuntu konpletu di kameras di seguransa, detetoris de metal, y otus disuazoris vizual ki e stratekiamenti postu na skola em parseria ku liderensa. Kumite sta tanbe ta reve sistemas di apoio ki nu teni em funsionamentu pa trabadja ku alunus y pessual em resposta a insidentis infelizis y tanbe pa aseguira ki e seguidu protokolus adekuadus pa informa kumunidadi konformi mestedu.

Tarefa di kel grupu li e di :

- Konpleta um revizon di material di seguransa na idifisius( kamaras, alarmis, Iluminason externu, etc)
- Inkéritu a lideris skularis sobri ses prokupason
- Ditirmina prioridadis a kurtu y longu prazu pa respondi a preokupasons identifikadus
- Kria fluksus di kumunikason pa manti prinsipais interesadus informadus

Nta akredita ma nu podi tem susesu si nu aborda kel trabadju li em parseria y keli ta inklui tudu kes ki sta involvidu: nos alunus y ses familias, profesoris y funsionáriu, sedi, parserus sindikal, Departamentu di Polisia di Boston, y nos sidadi em jeral. Nos e mas forti ora ki nu sta unidu y min ta inkorajaba tudu a trabadja djuntu, a papia ku kunpanheru y permanesi inpenhadus na toma mididas pa garanti seguransa de tudu alguen na nos skolas: pa nos alunus, pessual, familias y tudu menbru di kumunidadi.

Na ultimu runion di Kumité Skular, tevi txeu perguntas di menbrus duranti atualizason di OHC, Y n'konprometi a trazi dadus adisional duranti relatóriu di superitendenti di kesl semana li. Kel slide li ta mostra diversidadi di pessual, separadu pa kódigu di trabadju, y ta izibi spesifikamenti dadus pa infermerus, psikologus skularis, assistentis sosial skularis y profesoris di Idukason Spesial. Sima nhos podi odja, nos assistentis susial skular tem maior paridadi rasial pa nos korpu studantil. Kel slide li ta mostra um dezagregason na lisensiamentu di profesoris. Nu tem aprosimadamenti 345 edukadoris ku um lisensa di imerjensia y 162 idukadoris kontratadus ku um dispensa di lisensa. Dja nu sta ta txiga proativamenti a kes idukadoris li pa tenta preparas pa MTEL. Enbora dizafiu li podi ser mas grandi di ki alguns anus, dividu a lisensas di imerjensia, sempri nu tevi um numeru disproporsionadu di idukadoris negrus y latinx ki nu kontrata ku bazi na renunsias. Keli tem sidu um parti inportanti di nos stratéjia di diversifikason di mon di obra, pamo nu sabi ma ka tem idukadoris di kor lisensiadu sufisienti ta sai di prugramas di preparason

**Reunion rimotu di kumite Skular di Boston**  
**Zoom**

**15 di Dizenbru di 2021**

di idukadoris na tudu stadu. Enbora keli ta konduzi a nau renovason di alguns des idukadoris, nu tem um forti historial di recontratason di grandi maioria di pessoas, y nu tem prugramas em kursu pa apoia ses viajem rumu a lisensiamentu.

Komu parti di planu di direktor di BuildBPS, distritu kontinua ta reconfigura skolas na sentidu di perkursus mas klarus y previsivel pa alunus, tal komu foi aprovalu pa Kumite Skular di Boston. Nos objetivu e aumenta numeru di alunus ki sa fazi so um tranzison duranti se experiensia K-12, rekonfigurandu mas skolas pré-K6 y 7-12 skolas sekundaria, prezervandu au mesmu tenpu forti opsons K-8/9-12 pa famílias. Tendu fladu keli, Kinzi skolas ta ben expandi di K-5 pa K-6 ki ta inklui Blackstone, Sumner, and Mendell Schools- y um skola, English High School, ta bem expandi di 9-12 pa 7-12 na setembru di 2022. Na semana passadu, nu partilha ku familias soluson espasial pa se ses skola. Sumner and Blackstone schools sta ta uza sentrus kumunitarius BCYF pa salas di aula adisional nesesariu y Mendell School, sa bem uza spasu na YMCA di Egleston Square, na fim di rua. Na prósimus semanas, ikipa BuildBPS ta bem trabadja na ladu di xefis di skola y di ses ikipas skolaris pa ditirmina prugramason, pessual y rekursus mestedu pa fazi kes spalus li um susesu. Nu ta bem sta tanbe a finaliza ki turmas ki ta ben uza kel spasu alargadu li y nu ta volta pa kumunidade skolar na fevereru ku um atualizason. Nu sta tanbe inpenhadu na kontinua a avalia otus opsons pa Outono di 2023, ku finalidadi di kria umsoluson ki ta adapta a nisisidadis di kada kumunidade skular.

Nkre agradezi no lider skular, a nos parserus kumunitarius, a YMCA y BCYF, a nos menbrus kumunitarius y a nos famílias pur ter trabadjadu em parseria ku distritu pa atxa rezulusons pa kada kumunidade skular, di modu a ki alunus tem posibilidadi di tem 6<sup>o</sup> anu na ses skolas atual. Y muiitu obrigadu a ikipa di Finansas, BuildBPS, Operason , y Instalason por ter trabadjadu pa atxa solusons pa ki nos skolas kria kaminhus previzivel ki nos alunus mesti y meresi.

Moda menbrus ta lembra, nu resebi um pruposta di prospektu pa abertura di um skola di inovason ki e atualmenti Charlestown High School. Di akordu ku regulamentu di pruposta di prospektu, n'tem ki konvoka um kumite di seleson, ki ta inklui Superitendenti ou nha dezinuadu, Prezidenti di Kumité di Skola di Boston ou se dezinuadu y Prezidenti di Sindicatu di professoris di Boston ou se dezinuadu, na prazu di 30 dias, dipos di resepson di prospekto. Kumite di rastreiu sta ajendadu pa riuni na prósimu semana pa analiza proposta. N'ta bem informa kumunidade y kumite skular sobri otus atualizasons. Nta bem tem serteza tanbe ma tudu kumunidade afetadu pa kualker mudansa na Charlestown High School e konsultadu y involvidus y ki nu ta involvi tanbe ku idukadoris, SpedPac y nos EL Task Force komu parti di kualker planiamentu pa Charlestown HS.

Es noti nu ta dispidi di dos menbrus di Kumité Skular: Dr. Hardin Coleman y Ernani DeAraujo. Sr. DeAraujo tevi un inpaktu na kumité Skular na kel poku tenpu ke stevi ku nos. Formadu na skolas publiku di Boston y un pai, Mr. DeAraujo ta intendi em primeru mon speriensia di txeu di nos alunus, y di ses familias. Nu sabi ma e ta bem kontinua ta difendi kriansas y familias atraves di se trabadju na East Boston Neighborhood Health Center y na muntis di kes otu organizasons na kual e ta trabadja.

Dr. Coleman foi nomiadu pa primeru bes pa kumite skola di Bostonna 2013. E passa se karera profesional komu idukador, konselheru, akadémiku y administrador. Dr. Coleman e anplamenti konsideradu um spesialisista na aria di idukason, um bes ki se trabadju e anplamentii respetadu y rekonhesidu. Nu sta gratu pa se trabadju na Kumite skular, spesialmenti ku avaliason di nha

**Reunion rimotu di kumite Skular di Boston**  
**Zoom**

**15 di Dizenbru di 2021**

Superintendenti. Dr. Coleman e tanbe prezidenti di grupu di trabadju di kualidadi Skular. N'ta apresia se infoki na dadus y rezultadus y pur ter tornadu prusesu sem diskontinuidadis. N'sta kontenti de ka sta lonji na Boston University. Nsabi ma e ta kontinua ta ser um valiozu parseru di pensamentus y kolaborador.

Na otus notisia di sidadi, dia di oji marka ultimu runion di Kamara Munisipal pa kuartu veriadoris sesanti di sidadi di Boston:

- Vereadora di Sidadi Annissa Essaibi-George
- Vereadora di Distritu 4 Andrea Campbell
- Vereador di Distritu 6 Matt O'Malley
- Y Prezidenti di Kamara Munisipal y vereador di Distritu 7 Kim Janey

N'kre agradesi Vereadoris pa ses dedikason inabalavel a povu di Boston. Kel grupu li abri novus kaminhus, smaga alguns tetus, y trazi foku moda laser pa alguns di kes keston mas inportanti ki nos sidadi ta infrenta atualmenti. Mi e gratu pa nhos kolaborason duranti nha mandatu komu Superintendenti, spesialmenti duranti dezafius di ultimus dos anos. Nta dezejias tudu maior felisidadi ora kes termina ses ultimus semanas na Kamara Munisipal. N'sta ansiozu pa odja kuze kes ta fazi dipos. N'kre tanbe aproveita pa felisita veriadora di Distritu 1 Lydia Edwards pa se vitória na eleisons primarias espesial di onti pa 1º lugar na Suffolk and Middlesex Senate. N'ta dezejal sorti na bai pa eleisons final na prósimu mes. Y pur ultimu, mas sertamenti nau menus inportanti, nta gostaba di dezeja a tudu alguem uns férias filis y saudavel. A midida ki nu sa aprosima des época di família, jenerosidadi y renovason, nta spera ma nu ka ta perdi di vista mididas di seguransa ki ta bem manti kada um di nos y nos entikeridu salvu. Pur favor, kontinua ta vasina, inkluindu injeson di reforsu, uza maskara, laa mon di forma regular y distansia sosial kuandu for nesésáriu.

N'ta pidi nhos tanbe pa nhos inklina pa kel tenpu di diskansu li, a midida ki nu ta djobi rekarega na ponta di un novu anu.

Pa kes kita selebra, n'ta dezejias um Feliz Natal, Feliz Kwanzaa, y um Feliz dia di tres Rei. N'ta gostaba tanbe di dizeja a nos maravilhozus alunus, a Inkrivel pessual di skola y a exselentis idukadoris um agradável pauza di Invernu. Nu sta speria ansiozamenti pa odja nhos di novu em ason dia 4 di Janeru. Obrigadu pa tudu. Nta bem oia nhos na prósimu runion regular di Kumité Skular a 12 di Janeru di 2022. Feliz Anu Novu! Y Keli é Rilatóriu di nha superintendenti pa és noti.

---

Mr. DeAraujo agradesi distritu pur ter investidu na restreiu di kontaktus y na kontratason di pessual.

Sra. Robinson agradesi Local 1952 Union pa duason di brinkedus a alunus. E pergunta sobri otus oportunidadis di fazi duasons pa festividades pa familias di BPS Superintendenti inkoraja pesoas a kontakta ses skola lokal ou a txoma pa BPS na (617) 635-9000.

**Aprovadu**– na xamada nominal, Kumite unanimamenti aprova Rilatóriu di Supertendenti.

**RILATÓRIU**



15 di Dizenbru di 2021

***Edward M. Kennedy Academy of Health Careers Charter Amendments, School Year (SY) 2018-2023: Memoranda of Understanding (MOU) A and B; and Accountability Plan -***

Diane Bassett, konsultora di planiamentu y dizenvolvimentu, Edward M. Kennedy (EMK) Academy for Health Careers, solisita aprovason di kumite pa aprezena Kumisáriu DESE di Ensinu Báziku y Sekundáriu um pedidu di imenda a karta di EMK. Pididu di alterason inklui dos elementus : Planu di responsabilizason EMK; y Memorandu di Entendimentu entri EMK, BPS y BTU. Tudu dos dokumentus ta reji periudu di validadi entri 2018-2023. Planu di responsabilizason delinia objetivus y mididas relasionadus ku elementus xavi di design di skola. Foi dizenvolidu pa lider di EMK, pessual, alunus, familias, y administradoris y tem sidu bazi pa aprezentason di relatórius anual pa DESE kada anu di mandatu di karta. Dje resebi aprovason preliminar di sekretaria di DESE charter school. MOUs ta detalha relason fiskal y programatika entri EMK, BPS y BTU, y foi dizenvolidu uzandu mudelus izistentis ku anplu orientason y apoiu di akonselhamentu juridiku di BPS. Foi aprovadus y izekutadu pa tudu parti dipos di votu favorável di Kumité skular di Boston na Setembru di 2018. Ka foi fetu mudansa na nenhum di kes dokumentus. Pididu di alterason di karta e mekanismu administrativu pa asegura aprovason formal di DESE di dokumentus. Aprezentason di pididu di alterason di karta ta reke ason pur parti di konselhu di administrason di EMK (Nuvenbru di 2021), di Sindikatu di Prufisoris di Boston (Nuvenbru di 2021), y Kumité di Skola di Boston.

Sr.O'Neill pergunta pamo ki prusesu foi atrazadu. Sra. Bassett splika ma tevi um atrazu pur part di konselhu di direson di EMK prezididu pa Elmer Freeman. Kumité sta ajendadu pa vota na pedidu di karta mas tardi es noti.

## KUMENTÁRIU DI PUBLIKU EN JERAL

- Deirdre Manning, rezidenti na Dorchester, mai di Henderson Inclusion Upper School, tistimunha sobri priokupason di saúdi y seguransa di COVID.
- Andrew Iliff, rizidenti di Jamaica Plain, Mission Hill K-8 School y pai di Boston Latin Academy, tistimunha sobri'Mission Hill School's Emergency Review.
- Eugenia Corbo, rezidenti na East Boston, mai di BPS, tistimunha a favor di spanson di oportunitadís di língua duplu.
- Michael Heichman,, rezidenti na Dorchester, menbru di Boston Education Justice Alliance (BEJA), testemunha a respetu di negosiason kolektivu ,di Boston Student Advisory Council y di saudi y seguransa di COVID.
- Tom McKeever, nau rezidenti na Boston,ajenti skluzivu di negosiason tistimunha relativamenti a preokupason di seguransa na skolas.
- Neal O'Brien, Rezidenti na Arlington ajenti skluzivu di negosiason tistimunha relativamenti a preokupason di seguransa na skolas.
- Mary Rice,rezidenti na Charlestown, mai di K-8 Innovation School, tistimunha a respetu di admison di izami skular.
- Betsy Yoshimura, Rezidenti di East Boston,, mai di Mario Umana Academy,tistimunha a favor di akresenta otu sala di K1 na skola.

**Reunion rimotu di kumite Skular di Boston  
Zoom**

**15 di Dizenbru di 2021**

- Shery Keleher, rezidenti na Charlestow, mai di BPS, tistimunha a respetu di munti kestons relasionadu ku idukason.
- Lauren Peter, rezidenti na Roslindale, mai di Sumner Elementary School, tistimunha a respetu di inseramentu di Irving Middle School.
- Marie Mercurio, rezidenti di Jamaica Plain, mai di Boston Latin School y Curley K-8 School ,tistimunha a respetu di admisons na izamis skular.
- Sonya Harris, rezidenti na Mattapan, maid di BPS, testemunha a respetu di diversidadi di pessual y di admison di izami skular.
- Josette Teneus, rezidenti na Dorchester, profesora di Charlestown High School, tistimunha ku preokupason sobri prorspektu di Charlestown Innovation and Inclusive High School.
- Cecil Carey, rezidenti na Jamaica Plain, profesor di Charlestown High School teacher, tistimunha ku preokupason sobri prospektu di Charlestown Innovation and Inclusive High School.
- Michael Terkla, rezidenti na Arlington, profesora di BPS, tistimunha ku preokupason sobri prorspektu di Charlestown Innovation and Inclusive High School.
- Sarah Grimmett, rezidenti na Jamaica Plain, profesora di Charlestown High School, tistimunha ku preokupason sobri prorspektu di Charlestown Innovation and Inclusive High School
- Ben Blanco, rezidenti na Jamaica Plain, profesor di BPS, tistimunha ku preokupason sobri prospektu di Charlestown Innovation andr Inclusive High School.
- Cole Moran, rezidenti na Cambridge , profesora di Charlestown High School, tistimunha ku preokupason sobri prorspektu di Charlestown Innovation and Inclusive High School.
- Kristen McCain, rezidenti na Brookline, profesora di Charlestown High School, tistimunha ku preokupason sobri prorspektu di Charlestown Innovation and Inclusive High School.
- Alaa Razeq, nau rezidenti na Boston, profesora di Charlestown High School, tistimunha ku preokupason sobri prorspektu di Charlestown Innovation and Inclusive High School.
- Amy Piacitelli, rezidenti na Medford , profesora di Charlestown High School, tistimunha ku preokupason sobri prorspektu di Charlestown Innovation and Inclusive High School.

**PONTUS DI ASON**

***Aprovadu***-Pur xamada nominal, Kumité skular di Boston aprova por unanimidadi Edward M. Kennedy Academy Charter Amendments, SY 2018-2023: MOUs A y B; Planu di Responsabilizason:

***Aprovadu***- pur xamada nominal, Kumité skular di Boston aprova por unanimidadi Dia di Boston y final di tardi Academy Charter Amendments, SY 2018-2023: MOUs A y B; Planu di Responsabilizason:

Sra. Lopera pregunta sobri preparativus di distritu pa spanson di alguns skolas sekundarius pa 7-12 classi. Superitendenti fla ma distritu akresenta puzisons di fasilitador Instrusional na skolas sékundárias em spanson y e sta ta kontrata umavansadu kordenador di kolokason y di baxarelatu internasional a nivel distrital. BPS sta tanbe ta akresenta rekursus adisional pa apoia

**Reunion rimotu di kumite Skular di Boston  
Zoom**

**15 di Dizenbru di 2021**

inplementason di MassCore. E fla mas informason dobre se vizon akadémikuta bem ser partilhadu na um retiru di Kumite Skular na kel invernu li. Sra. Lopera enfatiza inportansi di involvi ku kumunidade pa komunika kes varius opsons skularis ki ta izisti. E papia sobri inportansia di spandi oportunitadís di alta kualidade y e sujiri kriason di un planu direktor di intalasons abranjentis. Superitendeti afirma se konprumisu di trabadja ku prezidenti di kamara Wu y se ikipa pa proporsiona a alunus instalasons di sekulu 21.

Dr. Coleman spresa se apoiu a rekonfigurasons di notas komu parti di sforsus di distritu pa reduzi trnazisons.

Sra. Polanco Garcia solisita exklaresimentu sobri futuru utilizason di idifisius skular rekomendadus pa enseramentu. Superintendi sklaresi ma BPS ta bem manti prioridadi y es ta bem redisiona idifios pa uzu pa otus kumunidadisskularis di BPS.

Sr. O'Neill pidi klareza sobri futuru di profesoris di insinu médiu dislokadu. Superintendeti fla me ta spera retes. E passa di forma susinta prusesu pa kual kumit+e txiga a se disizon di ilimina progresivamente skolas médius y di fazi tranzison pa um distritu prinsipalmenti di skolas K-6/7-12 y K-8/9-12, num sforsu pa limita tranzisons pa famílias. E agradesi Superintendei y se ikipa pur ter trabadjadu ku susesu ku kumunidade di insinu báziku ki sa pretendeba akresenta um 6<sup>a</sup> klassi. Superintendenti konfirma ma idifisius fitxadu ta kontinua ta ser skolas di BPS.

Sra. Robinson agradesi a Superintendeti y a se ikipa pa se parseria ku kumunidade pa atxa solusons.

**Aprovadu-** Em xamada nominal, kumité Skular di boston aprova siguintis inseramentus di skolas, ku ifeitu a partir di Juhu di 2022: Washington Irving Middle School, 105 Cummins Highway, Roslindale; Jackson/Mann K-8 School, 40 Armington Street, Allston; y James P. Timilty Middle School, 205 Roxbury Street, Roxbury. Sras. Lopera y Polanco Garcia abstevi. Tudo otros membros vota sim.

## RELATORIUS

**Gabineti di Ekuidadi Relatóriu Anual, Anu Letivu 2020-21-** Asistenti Superintendente di Ekuidadi Becky Shuster prezenta Relatóriu anual di Gabineti di Ekuidadi di distritu sentradu na anu Letivu 2020-21.

Gabineti di Ekuidadi viza asegura ma BPS ta ser um anbietni idukativu y di trabadju sem prekonseitus ou diskriminason, undi individus di tudu orijens y spriensias e benvindo, inkluidu, inkorajadu, y kes podi tem susesu y prospera. Ses prinsipal prioridadi e furnesi um resposta rápidu y ificas a tudu relatus di pusivel má konduta seksual ou baziadu na prekonseitus, y pididus di difisiensia, gravides, y akumuladon relijiozus; realiza formason y idukason pa asegura ma alunus y inpregadus sta konsienti di ses direitus y risponsabilidadi; y stabelesi parserias pa asegura ma tudu disizons xavi tomadus pa lideris di skola y di skritoriu sentral seja tomadu pa lideris di skola y di skritoriu sentral ser tomadu sob un lenti di ekuidadi, partikularmenti ekuidadi rasial.

**Reunion rimotu di kumite Skular di Boston**  
**Zoom**

**15 di Dizenbru di 2021**

Na anu skular 2020-2021 Gabinete di Ekuidadi

- Realiza y administra 103 formasons di inpregadus
- Jeridu 24/7 prugrama di respetu pa iduka alunus sobri modi previni y lida pesualmeti, pa textu, y online, ku má konduta seksual y baziadu na prekonseitus
- Respondi a mas di 1 200 preocupason formal di empregadus, alunu e familia

Objetivu di Gabinete di Ekuidadi: SY 2021-22

- Em parseria ku gabinete di lakunas di oportunitadi y gabinete di kamara sobri reziliesa y ekuidadi Rasial, implantason di ekuidadi Rasial y formason di lideransa
- Garanti kapasidadi sufisienti pa oia skolas di forma rápidu y ifikas.
  - Respondi a insidentis y pididus di alojamentu
  - Dandu apoiu a alunus di LGBTQ+

Sr. O'Neill da konta ma número di investigason formal diminui y e pregunta sobri inpaktu di aprendizajen a distansia na kestons di ekuidadi. Sra. Shuster papia sobri dizafius di akonpanha tendensias y midi prugressu, partikularmenti dipos di um periudu di prolongadu di aprendizajen a distansia y izolamentu susial. Sra. Shuster splika papel di gabinete, ki e konduzi investigason y fazi rekomendasons, bem komu sigi padrons di konportamentu.

Sra. Lopera fazi preguntas sklaresedoras y pregunta si gabinete di ekuidadi ta rejista se taxa di satisfason. Sra. Shuster splika ma Direktor di konformidadi y kordenador di Título IX ta obi tudu vos y ta fazi rekomendasons objetivus.

Sra. Robinson perkunta ki skolas sa ta odja inpaktu ou nou. Sra. Shuster splika ma trabadju ka e linear ou kumulativu. E fla ma skolas ki ta oia maior kresimentu au longu di tenpu e skolas ku menus rotatividadi y um lider konsistenti ki rialmenti konprumeti pesualmenti y preni kontinuantu.

Dr. Grandson fla ma BPS sa plania intruduzi um prusesu di rekonhesimentu di kanpions di ekuidadi.

**Atualizason Finanseru** - Direktor Finanseru Nate Kuder aprezena um atualizason di rezultadus finanseru di Anu Fiskal 2021, ki termina dia 30 di junhu di 2021; um atualizason di situason finanseru di Anu Fiskal atual (AFdi 2022) y um atualizason di novus investmentus refletidus na orsamentu atual; y um antevizon di planu orsamental di anu fiskal 2023 di distritu.

BPS tirmina Anu Fiskal di 2021 dentu di orsamentu pa 31° anu konsikativu ku un saldu total di fundus jeral di 25,039 dólar. Prinsipal árias di diferensa en relason a nos orsamentu adotadu foi:

- Arias di kustus mas elevadu do ki speradu:
  - Servisus di Alimentason
  - Dispidimenti di funksionarius
  - Sálarius di funksionarius
- Arias undi BPS identifika poupanzas operasional y nu ridifini prioridadi di fundus dispunivel:

**Reunion rimotu di kumite Skular di Boston  
Zoom**

**15 di Dizenbru di 2021**

- Indiminizason di trabadjadoris
- Servisus kontratadus
- Utiliarius
- Seguru di saudi

**Atualizason di Orsamentu & Invistimentu di AF22**

Sr. Kuder spresa konfiansa na kapasidadi di distritu pa termina anu fiskal di 2022 na orsamentu

● Arias di kustus mas elevadu do ki speradu:

- Transporti- kustus mas altu dividu a operason ku protokolus di COVID
- Servisus di Alimentason- taxa elevadu di vagas forsanu a dipendi mas na refeisons pre-fetu do ki fetu na lokal. Presson inflasionista sobri presu di alimentus.
  - Utiliarius- provavelmenti pamo presus di merkadorias mas altu di ki speradu, mas analize kontinua

● Arias ku kustos mas baxu do ki speradu:

- Salarius- dividu a um taxa di vaga mas altu do ki na anus passadus
- Seguru di saudi - en parti dividu a un taxa mas altu di vaga

Invistimentus pa AF22 sta di akordu ku planus. Distritu invisti na novus puzison ki foi simultaniamenti alinhadu ku planu stratéjiku y kritiku pa apoia BPS di Ritornu | Rikupera | Reimajina a pandimia:

- Guardions(20 FTE) - Nu tinha 90 idifisius di trabadju "unipesual". Baziadu na dadus di inskrison y na metru kuadradu di idifisiu, 20 di kel 90 benefisia grandimenti di um puzison adisional a tenpu interu duranti dia.
- Ligasons familiar (78,5 FTE) - 83% di novus funsiunáriu é Negru o Latinu. Es sa ta trabadja na sforsus pa diminui absentismu króniku, aumenta involvimentu di alunus y apoia alunus na sis tranzison di volta pa aprendizajen prizensial.
- Asistentis susial (84 FTE) - 78% di novus funsiunáriu é Negru o Latinu. Tem um asistenti susial na tudu skolas tem:
  - Reforsa ses ikipas di resposta a krizi ku bazi skular ki sta ta mitiga krizis diaramenti.
  - Presta apoiu kontinu a familias y alunus pa respondi nesetidadi kritikas agudus
  - Pessual di skola foi apoiadu duranti um anu letivu mas dizafianti
  - Kapasitadus pa distritu intendi midjor modi ke pa operasionaliza anti-rasismu na nos skola, atraves di ses trabadjus na Student Support Teams.
    - Maior uzu di sirkulus pa promovi konstruson y kura di kumunidadi na kumunidadis skolar komu parseru na trabadju di justisa Restaurativa, formadus pa nos Gabeti RJ.

**Atualizason di Planu Orsamental di AF23**

**Reunion rimotu di kumite Skular di Boston  
Zoom**

**15 di Dizenbru di 2021**

Inkuantu Skolas Publiku di Boston ta pripara pa entra na periudu orsamental di AF23, nu ten inkrivel sorti di ten lideransa di Prizidenti di Kamara Wu y di si administrason. Es orsamentu ta bai ser dizenvolidu na kontestu di riduson di numeru di matrikulas konsentradu na anus di ensinu báziku. Nu ta odja un konekson entri dikliniu di matrikulas y skolas ki ta atendi un maior pursentajen di jovens Negru y Latinu. NU ta bem kontinua ta djuda skolas ku matrikulas en dikliniu, pra lem di finasiamentu ponderadu di alunus, y nu ta bem sigi orientasons semelhanti ku FY22.

Skolas ta bem ser pididu pa:

- Reduzi sala di aulas y ajusta puzisons (profesoris y paras)
- Analiza spesialistas pa determina si/kuandu e pa riduszi na vison di FTE global
- Paga kustu di aumentu di salariu (isu pa skolas autonomu's ki ta bazia sis salariu na salariu atual)
- Identifika trokas pa paga pa kulaker novu puzison o prugramas ki skolas kre kria fora di Invistimentu di Distritu.

Ka foi pididu Skolas pa:

- Korta pusison's ou prugramas fora di instruson'sdiretu na salas di aulas fitxadu, a menus ki sa rilasionadu ku kel aumentu salarial listadu abaxu.

Gabineti di Finansa sta ta trabadja direktamenti ku lidere skular na dizenvolvimentu di orsamentu pa kes prósimu dos mes. Superintendenti ta bem prezenta se Proposta Orsamental preliminar pa AF23 a kumié skular na dia 2 di fevereru di 2022.

Sr. DeAraujo pergunta kal ki ta bem ser implikason finanserus ora ki forsa di trabadju volta. Sr. Kuder fla ma objetivu e tem tudu pessual y ki keli ka ta binha kriaba um risku finanseru. Sr. DeAraujo pergunta sobri diskrepansia entri numerus di matrikulas uzadu pa DESE y pa BPS. Sr. Kuder splika ma DESE relata skolas charter di Horace Mann di forma separadu. E fla ma prujetus di BPS ta inskrevevu di akordu ku um "marka di água altu"- numeru total di alunus ki BPS sa spera sirbi em kualker prugrama di notas au longu di anu. Sr. DeAraujo pergunta sobri aumentu previstu di numeru di matrikulas na alguns skolas sekundáriu. Sr. Kuder papia sobri txeu tamanhus di koortes ki ta desloka atraves di sistema.

Dr. Coleman pergunta sobri prusesu orsamental a nível di skola. Subdiretor Finanseru David Bloom fla ma lidere skular ta resebi ses orsamentus na Dezenbru. Diretora di Orsamentu , Miriam Rubin, rializa nton formasons ku konselhus Lukal Skolar, ki ta reve y kumenta orsamentu y es ta vota parti diskrisionariu di orsamentu, konformi deliniadu na kontratu BTU. Superintendenti fla ma lider di skolas debi reve planus ku ses mezas redondu sibri ekuidadi na skolas.

Sra. Polanco Garcia pergunta sobri ingajamentu di pais. E manifesta preokupason ku familias ki sa vivi sem abrigu. Sr. Kuder papia di investimentus di distritu na assistentis sosila y fla ma BPS ta fornese apoiu adisional a skolas ku um populason signifikativu di alunus sem abrigu.

Sr. DeAraujo pergunta sobri kronograma di finasiamentu ESSER. Xefi di Gabineti di responsabilizason Eva Mitchell reve prusesu pa kes tres ronda di finsansiamentu. Sr. D pidi um slide di dadus sobri atribuisons pur skola.

15 di Dizenbru di 2021

Sra. Lopera pidi um relatoriu di situason skola-pur-skola sobri finansiamentu ESSER.

Sra. Robinson pergunta sobri dekliniu di numeru di matrikulas na primeru infansia. Sr. Kuder fla ma numeru di kriansas na idadi skular sta ta diminui na tudu setoris. Pa rekupera matrikula total, BPS tinha di rekupera se taxa di kaptura, ki e afetadu pa kustus di imigrason y abitason. <sup>[P]</sup><sub>[SEP]</sub> Superintendent fla ma e obi klaramenti di familias ki mesti di mas prugramas pré-skular y prugramas antis y dipos di aulas.

Sra. Lopera spressa preokupason ku notavel turnus di inskrison previstu.

Sra. Luo papia sobri dizafius relasionadu ku falta di prugramas pré-skolar. Sr. Kuder papia sobri komplikasons di persepsions di asesu.

Sra. Robinson papia sobri dizafius di proporsiona familias eskolha y fornese opsons di altu kualidadi

## KUMENTÁRIU PUBLIKU SOBRI RELATORIUS

Ninhun.

## NOVU NEGOSIU

Sr. DeAraujo propoi ki Kumite kriasi um pulitika sobri insinu di lingua nativu. Sra. Robinson Spressa se apoiu a pruposta, akresentandu ki na ultimus anus distritu akresenta prugramas Bilingi na kriolu haitianu y viatinamita.

## ADIAMENTU

Kuazi 10 ora di tardi, komison vota pa mesmu akordu, pa xamada variadu, adiantamentu di riunion.

Atestadu:



Elizabeth Sullivan  
Sikretária Izekutiva